



Villy Olsvig
Inatsisartuni ilaasortaq, Inuit Ataqtigiit

§ 37 naapertorlugu apeqquut nr. 138/2017 Sisimiuni imermit nukissiorfik pillugu apeqquummut akissut

Inatsisartut suleriaasianni § 37 imm. 1 naapertorlugu Sisimiuni imermit nukissiorfik pillugu Naalakkersuisunut apeqquaqarsimavutit. Apeqquutit uanga naalakkersuisoqarfinit akineqartussanngorlugu unnersuussutigineqarsimavoq .

22-05-2017
Sags nr. 2017-10392

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqquut 1 - Erngup nukinganik nukissiuuteqarnek illoqarfik Sisimiut-ni ajornartorsiuteqarjaa?

Akissut: Imermit nukissiorfik Sisimiuniittoq qaammaqqutinut nukimillu innaallagissamik pisariaqartitaanik tamanik illoqarfik pilersorsinnaavaa. Erngup nukingata tunioraasinnaassusia allanngorartuq pitsaanerpaamik iluaqutigiumallugu piffissat ilaanni erngup nukinga kiassaanermut tunngavigineqartarpoq, kiassaanermik qamittartumik/kipisartumik taallugu. Tassa erngup nukingata kiassaanermut atornerqarsinnaanera piffissanut nukimmik sinneqartoorfiusunut immi killilerneqareerpoq. Piffissat sinnerini kiassarnermut atugassamik erngup nukinganik pilersuisoqarsinnaanngikkaangat uulia tunngavigalugu kiassaaneq ingerlanneqartarpoq. Tassuuna imermik nukissiorfik sapinngisamik pitsaanerpaamik iluaqutigineqarpoq.

Ilumoorpoq piffissap imaalinerani taseq imermik nukissiorfimmu pilersuiffiusoq imikillissimammat, ilaatigut sialuit nittaallallu killeqarsimanerisa kingunerisaanik. Kisianni Sisimiuni nukissamik pilersuisarfik erngup qummut killinga ukiup ingerlanerani aamma ukiumiit ukiumut allanngorartarneranut tulluarsagaavoq. Tamakku imermik nukissiorfiup pilersinnginneraniilli ukiut amerlasuut ingerlaneranni imeqassutsip uuttortaaviginerani ilisimaneqarput.

Erngup nukinga atorlugu nukissiorfiup imermik pilersorneqarnera piffissap ilaani appariartorsimanerata kingunerisaanik Sisimiuni innaallagissamik pilersuinermit annertuumik kingunerlutsitsisimanissaa Nukissiorfiit ilisarisinnaanngilaat. Nukissiorfiit isumaat naapertorlugu Sisimiuni erngup nukinganik pilersuineq ajornartorsiuteqanngilaq.

Allatigut eqqaaneqassaaq tallimannngornermi 7. april 2017 ullaassakkut Sisimiuni kallerup innerata sakkortussusianik allanngortitsivimmi ikuallaneq pisimammat. Tamatuma kingunerisaanik Nukissiorfiup atuisartut ilaannut piffissap ilaani innaallagissamik kiassaaneq kipitikkallartariaqarsimavaat, soorlu innaallagissamik qamittartumik/kipisartumik kiassaaneq pillugu isumaqatigiisummi tamanna ajornartinneqanngitsoq.

Apeqqtut 2 - Siunissami qaninnermi ungasinnerusumilu kallerup inneranik pilersuisinnaaneq erngup nukinganik aallaaveqartumiit ajornartorsiuteqaleqqajaanerluni?

Akissut: Maanna Sisimiuni innuttaasut amerliartornissaannut ilimagineqartut tunngavigalugit Nukissiorfiit piffissami qaninnerusumi ungasinnerusumiluunniit innaallagissamik pilersuinissap akunnattoorfinngorsinnaanera naatsorsuutiginnilaat. Oqaatigineqareertutuut imermit nukissiorfiup qaammaqqutinut nukimmillu innaallagissamik pisariaqartitaanik tamanik illoqarfik pilersorsinnaavaa.

Nukissamik pisariaqartitsineq sumiiffimmi arlaanni annertusingaatsiassagaluarpap pilersuineq soorunami naleqqussarneqartariaqassaaq.

Apeqqtut 3 Tasersuarmit imermik ungallermut kuutsinneqartartup atorluaqqissinnaanera siunnerfigalugu kingumut tatsimut utertinneqarsinnaanissaa qanoq pilersaaruteqarfigineqarpa aammalu tamanna qanoq naleqassangatinneqarpa?

Akissut: Nukissiorfiit ima nalilerpaat Sisimiut eqqaanni imermit nukissiorfimmut naleqquttumik aaqiissutaassaangitsaq imeq katersorneqartuuppat imiisivimmullu atoqqitassanngorlugu kuutsillugu.

Taamatut aaqiisarneq nunani allani imermit nukissiorfiit ilaanni takussaasarpoq kisianni nukimmik annertuumik annaasaqarfiusarpoq. Tamatuma saniatigut avatangiisinut tunngasut peqqutigalugu imaq tarajulik tatsimut imeqarfiusumut kuutsinnissaa ajornakusoorfeqarsinnaavoq.

Maannakuugallartoq Nukissiorfiit erngup atoqqinnissaanut pilersaaruteqanngikkallarpoq. Aamma tamanna peqqutigalugu Nukissiorfiit taamannak aaqiissuteqarnissaq pillugu aningaasartuutissanik missingersuusiorsimangilaq.

Apeqqtut 4 - Ulluni makkunani pisut aallaavigalugit immikkut naalakkersuisoqatigiit eqqorneqartunut oqilisaassisinnaanermik takorluinerlutik? Tassami maanna eqqorneqarsimasut immikkut pilersaarutaanngitsumik ilaatigut aningaasarpassuarnik aningaasartuuteqartinneqarmata.

Akissut: Innaallagissamik kiassaanerup aamma ungasissumiit kiassaanerup qamittartup/kipisartup akia innaallagissamik kiassaanermit aamma ungasissumiit kiassaanermit aalaakkaasup akianingarnit appasinnerularpoq (2017-imi innaallagissamik kiassaanerup aamma ungasissumiit kiassaanerup aalaakkaasup akia tassaavoq 770 kr./MWh, innaallagissamik kiassaanerup aamma ungasissumiit kiassaanerup qamittartup/kipisartup akia tassaalluni 710 kr./MWh). Tamatumunnga peqqutaavoq kiassarnermik pisisartoq nammineq kiassaateqartariaqarnerminut taarsiullugu akinnerusumik pisinneqartarmat, Nukissiorfiillu piffissat ilaani kiassarnermik pilersuineq unitsikkallartarsinnaallugu.

Apeqqtut 5 - Illoqarfiup ineriartornerata kingunerisaanik erngup nukinganik nukissiuusiornermi ajornartorsiuteqarluinnalertoqassappat, suna siunnerfigineqarniarnersoq pilersaarusiifigineqarnerluni?

Akissut: Apeqqtup 2-p akinerani oqaatigineqartutuut Nukissiorfiit

naatsorsuutigingilaat Sisimiuni imermit nukissiorfiup qaammaqqutinut nukimillu innaallagissamik pisariaqartitaanik tamanik illoqarfiup pilersornissaa akunnattoorfinngorsinnaanera. Nukissamik pilersuinermi ungasinnerusumut aningaasaliiffissatut pilersaarusiernerup ilaanut tunngatillugu Nukissiorfiit misissuleruttorpaat nukissiorfinnik ataavartunik allanik pilersitsisoqarsinnaanersoq, ass. anorip nukinga, Sisimiuni imermit nukissiorfiup pilersuineranik tapertaasinnaasoq.

Apequt 6 - Nukissiorfitoq (elværk) Sisimiut-niittoq tamakkiisumik atorneqarsinnaanerminut piareersimasuutinneqarnerluni?

Akissut: Sisimiuni innaallagissiorfik dieselitortoq sillimmatitut atorpoq, imermit nukissiorfimmit pilersuineq arlaatigut kipissagaluarpat. Innaallagissiorfik innaallagiaq qaammaqqutinut nukimillu illoqarfiup pisariaqartitaanik pilersuinissamut naammattumik pilersitsisinnaassuseqarpoq. Taama pisoqassagaluarpat kiassarneq uulia tunngavigalugu ingerlalissagaluarpoq.

Inussiarnersumik inuulluaqqusillunga


Hans Enoksen